



Bases dos Premios á Transferencia de Tecnoloxía en Galicia 2018

Bases simplificadas

Presentación telemática

Prazo aberto do 15 de marzo ata o 31 de maio

A axeitada transferencia de coñecemento procedente dos organismos de investigación ao tecido produtivo está considerada unha estratexia prioritaria a nivel global para incrementar o desenvolvemento socioeconómico de calquera territorio. No caso de Galicia, estes procesos veñen sendo impulsados con resultados que convén recoñecer a través de casos de éxito que sexan difundidos á cidadanía e sirvan como referencia inspiradora para investigadores/as e empresarios/as.

3 MODALIDADES

Premio a un traballo de investigación aplicada

Premio a un caso de éxito en transferencia de tecnoloxía a pemes

Premio a un caso de éxito empresarial para grandes empresas

**PRAZO ABERTO
DO 15 DE MARZO ATA O 31 DE MAIO**



Organiza:



en colaboración con:





Bases dos Premios á Transferencia de Tecnoloxía en Galicia 2018

Por estos motivos, a **Real Academia Galega de Ciencias (RAGC)**, coa colaboración da **Axencia Galega de Innovación (GAIN)**, convocan a cuarta edición dos **Premios á Transferencia de Tecnoloxía en Galicia** de acordo coas seguintes bases:

1.- MODALIDADES

Convócanse premios en **tres modalidades**:

a.- **Premio a un traballo de investigación aplicada**, dotado con **6.000 €** netos, para un traballo do que se deriven claras aplicacións para o desenvolvemento socioeconómico de Galicia.

Este premio verase incrementado cunha **axuda de 4.000 €** para a **formación** dun membro do equipo investigador gañador, durante unha estancia de 2 ou 3 meses nun centro de investigación de fóra de Galicia. Durante os 15 días naturais seguintes á comunicación dos premios, o/a investigador/a gañador/a presentará na RAGC a proposta de candidato/a para o disfrute desta axuda.

b.- **Premio empresarial a un caso de éxito en transferencia de tecnoloxía a pemes**, dotado con **12.000 €** netos, para un caso de transferencia en pemes ou micropemes, con independencia do mecanismo polo que esta se producise (adquisición de patente, proxecto conjunto, spin-off, etc.).

c.- **Premio a un caso de éxito empresarial para grandes empresas**, froito da colaboración cun grupo de investigación. O premio para a empresa será honorífico, acreditado cunha placa conmemorativa. O grupo de investigación recibirá **6.000 €** netos, en concepto de apoio ao seu traballo.

Todos os premios irán acompañados dun **diploma acreditativo**.

2.- QUEN PODE CONCORRER

a.- Ao premio para un traballo de investigación aplicada poderá concorrer todo o persoal adscrito a centros de investigación situados en Galicia, incluídos os centros tecnolóxicos. Non poderán concorrer os membros da Real Academia Galega de Ciencias.





Bases dos Premios á Transferencia de Tecnoloxía en Galicia 2018

b.- Ao premio empresarial para un caso de éxito en transferencia de tecnoloxía a pemes poderán concorrer todas as pemes galegas (incluíndo as micropemes), que sexan tales de acordo cos criterios que rexen na Unión Europea (menos de 250 empregados, menos de 50 millóns de euros de facturación ou menos de 43 millóns de euros de balance).

c.- Ao premio para un caso de éxito en transferencia de tecnoloxía a grandes empresas poderán concorrer empresas non catalogadas como pemes nin micropemes, convxuntamente co grupo de investigación que participou no proceso de transferencia de tecnoloxía.

En ningunha das tres modalidades poderán resultar galardoados grupos de investigación ou empresas que recibisen o premio nas tres edicións anteriores do certame.

3.- CONDICIONS A CUMPRIR

a.- No caso dun traballo de investigación aplicada, a persoa solicitante debe ter a autoría e, en caso de haber varias, ten que contar coa autorización das demais, na que se especificará o grao de participación de cada unha. O traballo pode ser inédito ou estar xa publicado, neste caso con posterioridade ao ano 2015.

b.- Se se trata dun caso de éxito en transferencia de tecnoloxía, a persoa solicitante debe ser a representante legal da empresa e a transferencia de tecnoloxía tivo que producirse con posterioridade ao ano 2014.

4.- PROCESO DE PRESENTACIÓN DE PROXECTOS

A participación será tramitada de xeito telemático a través dun formulario electrónico específico para cada modalidade e disponible nas webs da Real Academia Galega de Ciencias (ragc.gal) e da Axencia Galega de Innovación (gain.xunta.gal) a partir do 15 de marzo, data na que se abre o prazo de recepción de proxectos.

Unha vez descargado e cumplimentado, o formulario –destinado aos datos básicos de identificación dos autores do proxecto– será enviado por correo electrónico a ptt@ragc.gal, acompañado dunha memoria descriptiva dunha extensión máxima de 70 páxinas e dos documentos acreditativos sinalados no formulario (todo –memoria e documentación– nun único arquivo en formato PDF e cun tamaño non superior aos 5MB).



Organiza:



en colaboración con:





Bases dos Premios á Transferencia de Tecnoloxía en Galicia 2018

5.- PRAZO DE PRESENTACIÓN DE SOLICITUDES

O prazo para a presentación de candidaturas comezará o **15 de marzo** e rematará ás 15 horas do **31 de maio**.

6.-XURADO

O xurado estará presidido polo Presidente da RAGC e contará con seis vogais: dous/dúas propostos/as pola GAIN, dous/dúas propostos/as pola RAGC, un/unha proposto/a polo IGAPE e un/unha proposto/a pola Confederación de Empresarios de Galicia. Actuará como Secretario/a un/unha dos/das vogais propostos/as pola RAGC.

Para a súa constitución válida o xurado haberá de contar, como mínimo, con cinco dos seus membros. O xurado poderá declarar deserto calquera dos premios. O fallo do xurado será inapelable.

7.- OUTRAS OBSERVACIÓNES

Os/as gañadores/as dos premios autorizan expresamente á Real Academia Galega de Ciencias a publicar e divulgar os seus nomes e os contidos das súas propostas a partir do momento de facerse público o fallo.

Aplicaranse aos premios as retencíons que, se é o caso, estean previstas na vixente norma tributaria. O importe neto ao que se refire o punto 2 da convocatoria é o importe a percibir, una vez feita a correspondente retención.

O feito de concursar supón a aceptación das presentes bases e serán excluídos os/as concursantes que non se axusten ás mesmas. Os/as autores/as non premiados/as poderán solicitar a devolución dos seus traballos no prazo de 3 meses, despois da publicación do fallo.

